



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

2. Pontificis potestatem non fuisse veram Græci Schismatis causam.

urn:nbn:de:hbz:466:1-38277

In cortice hæreas, plena Religionis, pietatis & modestiæ sunt, & talia omnino, quæ animos capiant istarum artium ignaros, insuetosque. Credas, illum Areopago, aut Stoâ prodire, adeò faciem componit, fngitque virtutem, ac flagrantem se ostentat amore veritatis, tamen in hanc maximè offendit, mallèmque erroris, quam doli accusare, nisi toties petitiam jactaret.

Dicit, nos Pontifici tribuere immensam, absolutamque potestatem, nullis terminis clausam. Imò quam plurimos Ei terminos ponimus, quippe legibus Eum divinis, naturalibus, ac etiam humanis, quæ modò Ejus statui convenient, teneri dicimus. Quod verò ab alio puniri non possit, id supremæ Dignitatis privilegium est, ac etiam Regiae; quæ enim rerum confusio, & contemptus Principum esset, si listi suis subditis, plectique ab ipsis possent?

Dicit, doctrinam Propositionibus Parisiensibus adversam novam esse. Gallicanæ Ecclesiæ contrariam, & ad aliquorum Theologorum privatas opiniones spectare. At verò quâ fiduciâ hæc scribit Maymburgus, quem utique non latet, doctrinam & sententiam nostram è Concilijs, (a) Lugdunensi, (b) Viennensi, (c) Constantiensi, aliisque haustam esse, quæ omnia in Reges apertissimè pronuntiârunt? quam in Comitijs Cleri (d) sub Ludovico XIII. Ecclesia Gallicana professâ est? quam præcipui, sanctique Galliæ (e) Doctores scriptis complexi sunt? qui ergo dici potest privata opinio, quâ nova, quam à Concilijs accepimus? aut quâ ratione Gallicanæ Ecclesiæ adversa, quam in Gallia Concilijs Comitiisque Gallicana Ecclesia toutes expressit? & quam Divi, Bernhardus, Thomas, Bonaventura, insignes in Gallia Doctores constanter, clarèque assertuere? sed hæc alibi probata à me sunt, & postea occurserunt. Nunc ad alia convertamur, quæ sunt hujus loci.

I I. Dicit, Propositiones Parisienses è spectare, ut circumscripta, minimeque Pontificis Romani Potestate, Protestantibus odiosâ, tanè ipsis factius ad Catholicam, verâaque Religionem perducantur, sìcque sperari posse Schismæ

Qqq 3

cessat-

(a) Concil. Lugg. in cap. ad Apostolicæ de sent. & re jud. in 6. 1245. (b) Concil. Vienn. in Clem. un. de Jure jur. 1311. (c) Concil. Constant. sess. 20. 28. 39. 42. 1414. (d) Comitia Cleri Gallicani apud Grammond. lib. 1. anno 1615. (e) S. Thomas 2. 2. q. 12. a. 2. in corp. & ad 1. & 2. 2. q. 60. a. 6. ad 3. & in 2. d. 44. q. 9. a. 2. & in 2. ad Corinth. cap. II. & in ep. ad Philipp. circa fin. & opusc. 20. lib. 3. cap. 10. 17. 19. S. Bonav. de Eccl. Hierarch. p. 2. c. 1. S. Bernard. lib. 1. de confid.

cessaturum, sublati ejus causis. Hæc Maymburgus speciosè, ac recepto jam more, nemō enim aut Rempublicam aut Religionem aggreditur, nisi publici boni obtentu. Sacras prophanásque historias pervolve, reperties, nec Ecclesiás hærefi, nec Rempublicam seditione turbatam esse, ut non aliquam boni publici curam seditioni prætexerent; ergo mirum aut novum non est, si priuatis studijs, ne oculos incurvant, Religionis & modestia velum prætenditur. Quām verò nihil eorum sit, quæ Maimburgus producit, tu ex sequentibus intellige.

Primò falsum est, Romani Pontificis supremam potestatem veram Schismatis causam fuisse, quamvis forsan obtenta fuerit, & jam paratæ defectioni quæsita. Oportet enim inter Schismatis, & prætextū causas distinguere; isti cùm speciosi sint, & Religionem, pietatem, bonique publici curam ostentent, facile patent, imò & cum pompa jactantur; causæ verò in latebris sunt, quippe ex ambitione, quæstu, privatissime odij natae, & quæ celari potius juvet, pudeatque proferri. Pertinacissimum fuit Photij Schisma, & Græciæ funestum, quod toties compressum, toties gliscens resurgensque tandem in flamnam erupit, Ecclesiæ juxta & Imperio faralem, nec prius resedit, quām utriusqueruin. Vere illius causæ ambitio, odium, & cupido vindictæ, sed hæc clàm habita, quia foeda profitenti, nec gratiam plausumque reperitura. Quæsiti à Religione prætextus, & mendacijs austi, ut placerent, caperentque incautos. Bardas Imperatori Michaeli præchararus, & in aula potens Ignatium Patriarcham sanctissimum exilio proscripserat; causa odij, quæ omnibus bonis, solus enim Imperatorem juvenam ac indulgentiam Bardæ in omne flagitium ruentem, exemplo, reverentiâ, monitisque morabatur, ipsūmque Bardam incestis nuptrijs junctum Ecclesiâ prohibuerat. His ex causis odium: sed ne huic exilium adscriberent, aliæ productæ; affectati Imperij, & quòd cum Theodora Augusta olim Curatrice clàm conspirâsse, accusatus est. Ejecto Photium sufficiunt, Bardæ amicum, belli pacisque artibus, ingenio ac litteris sumnum, sed ambitionis immensæ, ac in omne flagitium promptæ, dum honoriibus, quorum cupiditate flagrabat, potiretur; aded ut ingenij viribus, quo tantum valebat, etiam magicas artes sociaret; intra

sex

sex dies ex milite & aulico in Patriarcham evasit. Omnes qui Ignatio studebant, pulsi, punitique, aut præmijs corrupti: sed cum videret, se, dum Romanum Pontificem amicum, faventemque non haberet, incertum semper, dubiumque dignitatis suæ fore, hunc omni artificio lucrari studet. Decreta ad Illum ab Imperatore Legatio, quâ primi ex Aula fungebantur; munera auro gemmisque gravia; adieci à Photio Episcopi tres, qui formulam fidei Nicolao (a) exhiberent, litterasque offerrent, lacrymis, precibus ac simulatione plenas, quibus Patriarchatum recusabat: invitum se imparémque fatebatur, sed Imperatoris, Cleri, omniumque precibus viatum, ut Infulas sustineret, Ignatio sponte digresso, & oneri succumbente. Summa erat, ut Nicolaus Legatos suos mitteret, qui Ecceiam Constantinopoli compонerent. Annuit Nicolaus, misitque, sed illi aut poenis ac diuturno carcere fessi, aut corrupti muneribus in Synodo 318, Patrum Photio dignitatem confirmant, abrogantque Ignatio Apostolicam Sedem appellanti. Hæc ubi Nicolaus explorata habuit, Photium damnat, privatque dignitate, & Ignatum restituit. (b) Hinc omnes à Photio discedere, ipse indignissime ferens, Bardæ potentia fretus, omnia poenis, exitijs, adulacionibus, præmijs miscens Synodus cogit, & suffragijs mille subornatis, quamvis omnes fere repugnarent, in Nicolaum Pontificem anathema torquet. Crevitque audacia Trevirensis & Coloniensis Archiepiscorum accessu. Lotharius Austrasiæ Rex Waldradæ amori bus flagrabat, ardebâque in nuptias; nec potiundi spes erat, vi vente Thietbergæ legitimâ Uxore: hujus repudium ab Archiepiscopo obtinuit in Synodo Aquisgranensi, accusatâ Thietbergæ incestus, damnatâque, & thoro Walburgæ concessio. Nicolaus Archiepiscopos tanti, vulgatique mali auctores dignitate privat, & illi dolore amissæ dignitatis, cupidique vindictæ Photio se jungunt; hinc auctum Schisma, & titulus Oecumenici Patriarchæ à Photio sumptus. Sed ne color flagitio abeslet, & quod furor & ambitio erat, Religio putaretur, calumnia in Ecclesiam Latinam, Romanumque Pontificem sparsæ: *Quod Latini Sacerdotes sacro*

(a) Nicol. PP. encycl. ad Patres & episc. & ad ep. Orient. Epist. ad omn. fid. Baron. ad ann. 859. ubi epist. Photij n. 61. (b) Nicet.

sacro Christi natus inungant à se baptizatos; quod aquam Christi miscent; quod Spiritum S. à Patre Filioque procedentem faciant; & denique preter alia, quod Papa miserabilis tyrannide fideles premat. Tyrannum Photius, & Coloniensis ac Trevirensis appellabant, à quo tot flagitijs suis pœnas metuebant. Auxit Schisma Bulgariae certamen.

anno DCCCXXXV. Bogares Bulgarorum Princeps Christiam fidem susceperebat; anno vero DCCCLVI, petitis, impetratisque à Nicolao Papa Legatis baptismio tincti fuerant. Orta post eorum conversionem altercatio, ad utrum Patriarchatum ea provincia pertineret, Romanum an Constantinopolitanum? Romanus enim totam Europam, Thraciamque complectebatur, utramque etiam Epirum, Thessaliam, Dardaniam, Daciāmque, quas Bulgari inhabitant, semp̄erque à Romana Ecclesia regi solitas, Ipsique Bulgari cū se Romano Pontifici subdidere, suo Regi, non Græco parebant. Lis tamen à Legatis Sedium Patriarchium pro Græcis decisa. Romani negabant, se hāc sententiā ligari, quippe ab inferioribus latā. Hadrianus (a) Ignatium Patriarcham omnēsque alios Graciae Episcopos, nisi Bulgariā decederent, diris ferit, & dignitatibus privat: hinc austæ querelæ, & animorum dissidia, Schisma confirmatum. Cui magna accessio à Michaëlo Cerulario, omnia Constantinopoli miscente: is enim, quod è simplici laico promotus esset, timeretque, ne suam electionem contra Canones factam Pontifex Rom. irritam pronuntiaret, nec ferret titulum Patriarchæ Oecumenici ab eodem Pontifice sibi denegatum, defectionem maturavit, aliōsque errores Pontificis Latinisque imposuit: *Quod more Iudaico Sabbatho abstinerent; quod suffocatis reverentur; quod azymos sacrificio adhiberent.* (b) Sed ipse multorum hæresum convictus à Legatis Leonis Papæ solemnī apparatu omni populo, Clerique spectante, Constantinopoli sacris est interdictus: austæ in immensum iræ, & in omnes Orientis Patriarchas, quod Photius non potuerat, Schisma est propagatum, ac Pontificis Romani nomen sacris Diptychis erasum. Quod ergo Photius inchoaverat, Michael absolvit, promovitque ejus conatus mors Leonis Papæ, & Imperium Theodoræ Imperatricis Patriarchæ obse-

(a) V. Anastas. in vita Hadr. anno 869. (b) V. de error. Cerularij Spond. ad ann. 1054. n. 3.

obsequentis. Sic Schisma Orientem corripuit, corrupitque. Jam vero in toto hujus Schismatis decursu facile observes, quantum inter causas & praetextus Schismatis intersit. Veree causæ, quæ Photium, quæ Michaelem Patriarchas in Pontificem armârunt, ænulatio, ambitio, odium, vindicta fuerunt, metusque impenditum pœnarum, quas flagitijs mertuerant; sed pudebat has prodere, palamque ostentare; quis enim Photio assentiretur dicens: ejurate Rom. Pontificem, qui a violari Canones non patitur, quia Eunuchos ex Regio cubili in Patriarchas attolli, legitimos Episcopos exilio pelli, sacras dignitates pretio emi, titulum Oecumenici à nobis usurpari, & Ecclesias impleri flagitijs vetat, paenâque obstinatis comminatur, & idè nec nos Pontificem sustinemus, nec vos eum colite: hæc inquam si Photius diceret, quando reperiret socios defectionis? & tamen hoc veræ erant cause; sed alias queri oportuit, quæ plus honesti præferrent, magisque animos caperent, obtentu publici boni, Religionem videlicet abusibus corruptam, & potestatem Tyrannidi mixtam; alioquin Photius, quamdiu nec vindictâ, nec odio ardebat, aberatque pœnarum metus, coluit Vaticanicum, ejusque potestatem velut sacram aram complexus est, nec prius everrit, quâm inimicam sensit; quod manifesto argumento est, non eam potestatem Photio dispuisse, ad quam potius confugit, imploravitque, sed alias fuisse Schismatis causas, quas videlicet suprà memoravi. Audi Nicetum: (a) *In itaque consilium Photius de mittendis Legatis ad antiquam Romanam, & à Nicolao Papa Legatos petere, occasione videlicet, ut Ecclesiam corrigeret, ne non illos, qui heresim iconoclastarum tuerentur, à Christiano nomine omnino resindere.* Vides, quanti Photius auctoritatem Pontificis Romani faciat, quâm Ecclesiam Constantinopolitanam emendari, & hereticos excindendi posse sperat, Imperatori & Patriarchæ invitatos. Nec dubium, si Nicolaus & Hadrianus Pontifices Photij votis annuisserint, & huic Infulas permitterent Ignatio raptas, aut impunè saltem graffari permitterent, nunquam illum de Schismate cogitatum. At verò ubi vindicem illum, minacemque viderunt, quid aliud supererat, quâm aut ut cederent monenti, aut exarmarent feritum? illud fastus & ambitio prohibebat, hoc ergo

Rrr elega-

(a) Nicet. Ign. & Nicol. PP. in encycl. ad omnes Patres & Episc.

elegerunt, impugnatà potestate, à qua vapulabant. Idemque omnibus perduellibus modus & genius fuit, ut videlicet in caput & Principes Reipublicæ arma primò & ante omnia converterent, & cum ipsis perpetuis odijs confligerent; quippe ijs salvis nusquam tuta defectio. Quid ergo mirum est, si hæretici, aliqui ipsis familiis, cùm perdere Ecclesiam, suásque cupiditates explere vellent, in caput Ecclesiæ arma & odia vertisse, à quo uno cupitis arcebantur? Eadem ergo in omni Schismate observes.

III. Quanta Henrico Angliae Regi, dum pacato adhuc animo, sanóque esset, Pontificis reverentia? cuius etiam Jura edito Libro, impugnatóque Lutherò, afferuit, raro in Regibus exemplo, & forsan unico. Ubi verò amare Bolenam cœpit, fastidire legitimos thoros, Reginam thalamo, Aulâque submovere, adulteram in amplexum recipere, idque, ne flagitij puderet, nupciali, publicoqué apparatu; nec interim movere Pontificem posset, ut adulterio, cuius exemplum totam Angliam incendebat, aut subscribebat, aut indulgeret; tunc enimverò declamare in Pontificem cepit, ac Schisma moliri, eamque potestatem Tyrannidis incusare, quam suis amoribus, incestu ac adulterio pollutis videbat adversari. Si ergo diceret Pontifex: *Bolenam obtine, Uxorem ablega, incestu ac adulterio fruere, Angliam exemplo corrumpe, omnes leges, divinas, humanasque ferre, útque libido fuerit, ana & jube.* Haec inquam si Pontifex diceret amanti & Regi, nunquam se Anglia Schismate obligâset. Illi ergo solum Pontificem oderunt, qui nollent aliquem esse, quem veteti deberent, quique obstaret illicita cupientibus. Quid latroni, homicidæ, adultero magis in votis, quam nullum in Republica judicem esse, nullas leges? nullumque scelerum vindicem? quantique emerent istos excindi? Idem advertas in Lutheri, Calvinique Schismate. Lutherum vitæ monasticæ tædebat, displicebant ipsa, vigiliae, parenti latendique necessitas, & alia, quæ expiandis criminibus Religio invexit, noctes præsertim cœlibes, castæque & expertes amorum; quid consilij, ut hæc licerent optata, & tamen vetita? Judge, vindicexque auferendus; is Papa fuit, hoc enim valente nunquam votis Lutherus potiretur, huic evertendo omnia omnibus concessa, persuasum populo, nil bonis operibus opus, divina præcepta ultra vires hominum esse, & idè nec curanda;